

જન્મપેને આંદલાહાંન હેઅતેં કેઅયેં

ફાયે જાતાજ એક માહાલ હેઅયો,જો જન્મપેને આંદલો આથો. આને તીયાં ચેલાહાય તીયાલ હોદયો, “ ઓ રબ્બી, (ગુરુ) કેડાય પાપ કેઅલો કાઅ આંદલો જન્મો ઈયા માહાંપ નેતા તીયાં યાહકી બાહકાય ?ઈસુય જવાબ દેદો, “ કા નાય તો તીયાય પાપ કેઅલો આથો, નાય તા તીયાં યાહકી બાહકાય ; પેન ઈ ઈયા ખાતુર વેઅયો કા પરમેહેરા કામ તિયામ પ્રકટ વે. જીયાય માન મોકલ્યોહો; “આમાહાન તીયાં કામ દિહા દીહાલ કેરુલો હાય ; તી રાત આવનારી હાય જીયામ કેડો કામ નાય કી સેકે.

જાવ લુગ આંય જગતુમ હાય, તાવ લુગ જગતુ ઉજવાડો હાય.ઈ આખીન તીયાય તોરતીવે થુંક્યો, આને તીયાં થુંકાકી કાંદુ મોગલ્યો,આને તો કાંદુ તીયાં આંદલા ડોઅહાન લાગવ્યો તીયાલ આખ્યો, “ જો, શિલોહ કુંડામ તુવી લે”(જીયા અર્થ ‘મોકલુલો’ હાય).આન તીયાય જાયન તુલે, આને હેઅતો ફિરી આલો.તાહા પાહાલ્યા આને તીયાહામ પેઅલા તીયાલ ભીક માગતા હેઅલો આથો, આખાં લાગ્યો, “ કાય ઓ તો નાહા, જો બોહોયં ભીક માગ્યા કેઅતલો ? કોતાંહાંય આખ્યો, “ ઓ તોજ હાય,” બીજાહાય આખ્યો, “ નાય, પેન તીયાં સારખો હાય.” તીયાય આખ્યો, “ આંય તોજ હાય.” તાહાં તે તીયાલ હોદા લાગ્યા, “ તોઓ ડોઆ કેહેકી ખુલી ગીયા,તીયાય જવાબ દેદો, “કા ઈસુ નાવ એક વ્યક્તિય કાંદુ મોગલ્યો,આને માઅ ડોઅહાપે લાગવીન માન આખ્યો, ‘કા શિલોહ મેં જાયન તુવીલે.’ આને આંય ગીયો આને તુવીન હેરા લાગ્યો.”તીયાય તીયાલ હોદયો,”તો કાહી હાય ?”તીયાય આખ્યો, “આંય નાહા જાઆતો.”

ખુલાસો - દેવ જોન્મુંપેને આંદલાહાંન હારો કેહે , દેવું હુંબુર કેલ્લીજ ગોઠ અશક્ય નાહા .